

LEKGETHO LA LEKENO 2016: TSEBISO YA HO NEHELANA KA LESEDI LA LEKGETHO BAKENG LA SELEMO SA HLAHLOBO SA 2016

1. Tsebiso e nehetswe ho latela karolo 66(1) ya *Income Tax Act, 1962 (Act No. 58 of 1962)* ("Molao") e balwang mmoho le karolo 25 ya *Tax Administration Act, 2011 (Act No. 28 of 2011)*, hore motho eo ho hlokahalang hore a nehelane ka lesedi la lekeno ho latela temana 2, o tshwanetse ho nehelana ka lesedi la lekgetho bakeng la selemo sa hlahlobo sa 2016 ka nako e hlalositsweng temaneng 4.
2. Batho ba latelang ba tshwanetse ho nehelana ka lesedi bakeng la lekgetho la lekeno:
 - (a) khamphane e nngwe le enngwe, terasete kapa motho ya ka qosang kapa ho qoswa, e leng moahi;
 - (b) khamphane e nngwe le e nngwe, terasete kapa motho ya ka qosang kapa ho qoswa, eo e seng moahi—
 - (i) e tswetseng pele ka kgwebisano ka motheo o tsepameng ka hare ho Rephaboliki;
 - (ii) e fumaneng lekeno ho tswa mohloding o ka hare ho Rephaboliki; kapa
 - (iii) e unneng khaphithale e nngwe le e nngwe kapa tahlehelo ya khaphithale ho tswa mohloding o ka hare ho Rephaboliki;
 - (c) khamphane e nngwe le enngwe e kopantsweng, e tsejwang kapa e theuweng ka hare ho Rephaboliki empa e se ya mona ka lebaka la ho kenngwa tshehetsong ha tumellano e nngwe le e nngwe eo ho kenngwa ho yona le Mmuso wa naha e nngwe le e nngwe bakeng la ho qoba ho lefa lekgetho ha bedi;
 - (d) motho e mong le e mong—
 - (i) ya tswetseng pele ka kgwebisano ka hare ho Rephaboliki (ka ntle le ka boemo ba hae ba ho ba mosebeletsi);
 - (ii) eo kuno kapa tefello etlang pele e ile ya nehelwa jwalo ka ha ho hlalositswe karolong 8(1)(a)(i) ya Molao (ntle le tefello e entsweng jwalo ka ha ho hlalositswe karolong 8(1)(a)(ii)) le eo kakaretso ya lekeno la hae le fetang palo e beuweng ho ntsha ya (viii);
 - (iii) ya unneng khaphithale kapa ya bileng le tahlehelo ya khaphithale e fetang R30 000;
 - (iv) eo e leng moahi mme a na le matlole a mang le a mang a ditjhelete tsa dinaha tsa kantle kapa a na le thepa kantle ho Rephaboliki, e bang kakaretso ya boleng ba matlole ao le thepa difeta R225 000 nakong e nngwe le enngwe selemong sa hlahlobo sa 2016;
 - (v) eo e leng moahi mme eo lekeno le leng le le leng kapa dikuno tsa khaphithale ho tswa ditjheleteng tsa dinaha tsa kantle kapa thepeng e kantle ho Rephaboliki e ka lebiswang ho yena ho latela Molao;
 - (vi) eo eleng moahi mme ana le ditokelo tse ding le tse ding tsa ho ba le seabo, jwalo ka ha ho hlalositswe karolong 72A ya Molao, khamphaning e laolwang ya ka ntle;
 - (vii) eo phano ya lesedi la lekgetho la lekeno le nehetsweng kapa eo Mokhomishenara a mokopileng ka ho mongolla ho ka nehelana ka lesedi la lekgetho, ho sa natse boholo ba lekeno la motho eo; kapa
 - (viii) Ho ipapisitswe le temana 3, eo pheletsong ya selemo sa hlahlobo—
 - (aa) O ne a le ka tlasa dilemo tse 65 mme kakaretso ya lekeno la hae e fetile R73 650;
 - (bb) O ne a le dilemo tse 65 kapa ho feta (empa a le ka tlasa dilemo tse 75) mme kakaretso ya lekeno la hae e fetile R114 800; kapa

- (cc) O ne a le dilemo tse 75 kapa ho feta mme kakaretso ya lekeno la hae e fetile R128 500;
- (e) mang le mang eo e seng moahi eo kakaretso ya lekeno la hae le akga ka hare tswala ho tswa mohloding o ka hara Rephaboliki moo karolo 10(1)(h) ya Molao, ha e sebetse; mme
- (f) kemedi e nngwe le enngwe ya molefi wa lekgetho ya hlaloswang karolwaneng (a) ho ya ho (e) ka hodimo.
3. Ha ho hlokahale hore motho a ka nehelana ka lesedi la lekgetho bakeng la selemo sa hlahlobo sa 2016 ho latela temana 2(d)(viii) ebang kakaretso ya lekeno la motho eo e le kakaretso ya lekeno le hlalositsweng ha nngwe kapa ha ngatanyana dikarolwaneng tse latelang:
- (a) moputso, ntle le kuno kapa tefello e tlang pele e hlaloswang temaneng 2(d)(ii) ka hodimo, e lefuweng kapa e lefuwang ho tswa mohloding o le mong, e sa feteng R350 000 mme lekgetho la basebeletsi le se le hutswi kapa le thibetswe ho latela meralo ya kgulo e hlalositsweng ke Mokhomishenara;
- (b) tswala ho tswa mohloding o ka hara Rephaboliki e sa feteng—
- (i) R23 800 mothong ya dilemo tse ka tlasa 65; kapa
- (ii) R34 500 motho ya dilemo tse 65 kapa ho feta; mme
- (c) phahello mmoho le motho e ne ese moahi selemong sa hlahlobo sa 2016.
4. Phano ya lesedi la lekeno la selemo sa hlahlobo sa 2016 le tshwanetse ho nehelwa dinakong tse latela:
- (a) khamphaneng e nngwe le enngwe, dikgweding tse 12 ho tloha letsatsing leo selemo sa yona sa di tjhelete se felang; kapa
- (b) bathong bohle (e kenyeletse batho, diterasete le batho ba ka qosang kapa ho qoswa, jwalo ka metheo, makgotla kapa mekgatlo)—
- (i) kala kapa pele ho 23 Lwetse 2016 e bang lesedi la lekgetho le nehelwa ka mokgwa o tlwaelehileng wa pampiri;
- (ii) kala kapa pele ho 25 Pudungwana 2016 e bang lesedi la lekgetho le nehelwa ka ho sebedisa SARS eFiling kapa ka thuso ya mosebeletsi wa SARS ka tsamaiso ya elektronikhale diofising tsa SARS;
- (iii) kala kapa pele ho 31 Pherekong 2017 e bang lesedi la lekgetho le amanang le molefa lekgetho ya fumanang moputso ho tswa mehloding e meng mme e nehelwa ka ho sebedisa SARS eFiling; kapa
- (iv) moo diakhaonto di amohelwang ke Mokhomishenara ho latela karolo 66(13A) ya Molao ho lekeno la molefa lekgetha ka ho phethahala kapa karolo ya teng, tse tlisitsweng ka mora letsatsi le latelang 29 Hlakola 2016, empa ka la kapa pele ho 30 Pudungwana 2016, dikgweding tse tsheletseng ho tloha letsatsing la diakhaonto tse jwalo.
5. Diforomo tse hlalositsweng ke Mokhomishenara bakeng la ho nehelana ka lesedi la lekgetho difumaneha inthaneteng ho www.sarsefiling.co.za kapa ka ho etsa kopo diofising tsa SARS, ntle le ofisi e sebetsanang le dintlha tse amanang le diromelwantle le ditswantle mmoho le lekgetho la dihlahiswa bakeng la lehae.
6. Phano ya lesedi la lekgetho e tshwanetse e—
- (a) Ntlheng ya khamphane, le nehelwe ka elektroniki ka tshebediso ya SARS eFiling; mme

- (b) Ntlheng ya batho ba bang (e leng batho, diterasete le batho ba ka qosang le ho qoswa, jwalo ka metheo, makgotla le mekgatlo) e—
- (i) Nehelane ka elektroniki ka ho sebedisa SARS eFiling, ha feela motho a ngodisitswe bakeng la eFiling;
 - (ii) tsamaiswe ka poso ho ya SARS;
 - (iii) lebiswe ofising ya SARS, ntle le ofisi e sebetsanang le dintlha tse amanang le diromelwante le ditswantle le dihlahiswa bakeng la lehae; kapa
 - (iv) lebiswe dibakeng tseo Mokhomishenara atlang ho dihlalosa nako le nako.
7. E bang motho ya tshwanetseng ho nehelana ka lesedi la kegetho a hloleha ho etsa jwalo nakong e hlalositse temaneng 4 ka hodimo, motho eo o tla ohlauwa ka faene kapa a kwallwe nako e sa feteng dilemo tse pedi. SARS e ka lekanya lekgetho la lekeno la motho eo, le mo ohlwaye bakeng la ho hloleha ho nehelana ka lesedi la lekgetho nakong e hlokalahalang kapa ka bobedi.
8. Molefella lekgetho ya etsang tokodiso a tseba hore e fosahetse phanong ya lesedi la lekgetho kapa a qoba kapa a leka ho qoba ho lefella lekgetho, kapa motho ya thusang molefella lekgetho ho etsa jwalo o tla faenwa kapa a kwallwe bakeng la nako e ka bang dilemo tse hlano. Kotlo e ka menahana ha bedi ho palo ya lekgetho le qobuweng le ka kenngwa.
9. Ha ho motho ya tlohellisitsweng kotlo e nngwe le e nngwe ka lebaka feela la hore motho ha a bitswa ka boyena ho ka nehelana ka lesedi la lekgetho.
10. Bakeng la maikemisetso a tsebiso ena, lentswe le leng le le leng kapa polelo e nehetsweng moelelo ka hare ho Molao e dula ka moelelo oo e o nehetsweng, mme “selemo sa hlahlobo sa 2016” sehlalosa—
- (a) ntlheng ya khamphani, selemo sa ditjhelete sa khamphani eo se felang ka selemo sa 2016; le
 - (b) ntlheng ya motho e mong le e mong, selemo sa hlahlobo se qalang ka la 1 Hlakubele 2015 kapa se felang ka la 29 Hlakola 2016.
11. Lesedi le eketsehileng kapa thuso le ka fumaneha ofising e nngwe le e nngwe ya SARS, ntle le ofisi e sebetsanang le dintlha tse amanang le diromelwante le ditswantle le dihlahiswa bakeng la lehae kapa ho tswa setsheng sa inthanete: www.sars.gov.za

E NEHETSWE KE MOKHOMISHENARA WA TSHEBELETSO YA LEKENO AFRIKA BORWA